



ЗАМАН



Газета издається на балкарском языке с 1924 года

Интернет-версия: zamankbr.ru

КЪАБАРТЫ-МАЛКЪАР РЕСПУБЛИКАНЫ
ПАРЛАМЕНТИНИ ЭМ ПРАВИТЕЛЬСТВОСУНУ ГАЗЕТИ

ВРЕМЯ

ГАЗЕТА ПАРЛАМЕНТА И ПРАВИТЕЛЬСТВА
КАБАРДИНО-БАЛКАРСКОЙ РЕСПУБЛИКИ

Болум

Юрий КОКОВ :

Бек башы - ёлгенлени юйюрлерине эс тапдырыуду, къар юзюлюп салгъан хатаны кетериу жаны бла битеу мадарла этиууду

Минги тауну тийресинде къар юзюлюп, аны тюбюнде адамла къалгъандыла. КъМР-ни Башчысы **Юрий Коковну** буйругъу бла табиғат кыйынлыкъ болгъан жерде правительстволу комиссия ишлейди эмда ол жарсылу ишни сылтауларын тинтеди, ёлгенле кимле болгъанларын тохташдырады, ачыгъаннга болушлукъ этиуно къурайды.

юйюрлерине хар жаны бла да эс тапдырыуду, къар юзюлюп салгъан хатаны кетерир, ол не къадар аз заран келтирир ючюн къолдан келгенни аямауду, -деп чертгенди КъМР-ни Башчысы.

Тюнене Элбрус районда Чететни север жанында 12:00 сағатда къар юзюлюп тюшгенди. Къутхариучула къарны тюбюнде тёрт адамны ёлюп тапхандыла.

-Бусагъатда бек баш жумуш - ёлгенлени



КъМР-ни Башчысыны бла Правительствосуну пресс-службасы.

КЕНГЕШ

Экономиканы тутхучлу айныуу эмда социал ырахатлыкъ жалчытылыннгандыла

Тюнене Правительствону юйюнде республиканы премьер-министри **Мусукланы Алиини** башчылыгы бла Къабарты-Малкъарда экономиканы тутхучлу айныуун эмда социал ырахатлыкъны жалчытыу жаны бла ведомстволу аралы комиссияны жыйылыуу болгъанды. Аны ишине тийишли министрстволаны бла ведомстволаны башчылары, уллу промышленность предприятияланы оюучулары, жамауат организацияланы келечилери да къатышхандыла.

Бюгоннгю болумну, 2016 жылда экономиканы тутхучлу айныуун эмда социал ырахатлыкъны жалчытыу жаны бла баш магъаналы ишлени планы къалай толтурулгъаныны, келир заманнга къаллай борчла салыннганларыны юслеринден КъМР-ни экономиканы айнытыу министри **Рахайланы Борис** билдиргенди. Ол баш магъаналы ишле бла байламлы керюмдюле толтурулгъанларын, ол санда импортну алышындырыу, сырьёдан башха затланы экспортну, жер-жерли продукцияны сатаргъа болушуу, урунууну рыногунда халны игилендириу, граждандланы бир къауумун жашау журтла бла жалчытыу, аланы жашау болумларын женгиллетуу, халканы дарманла бла не



къадар толу жалчытыу жаны бла белгиленген жумушланы асламысы тамамлангъанларын чертип айтханды.

Докладда белгиленнгенича, Къабарты-Малкъар 17 къырал программагъа къатышады, аладан 9-су федерал магъаналыдыла. Аланы толтуруугъа федерал бюджетден 6,6 миллиард сом бёлюнгенди. Уллу республикалы инвестиция проектледен бек

магъаналылары сайлангандыла, инновация программала жарашдырыладыла, импортну алышындырыуу чеклеринде промышленность производствону техника жаны бла жангыртыу иш да барады. Алай бла, баш капиталгъа салыннган инвестицияла аны аллында жылдан эсе 9,2 процентге кёбейгенди.

«EtanaPet» промышленность комплексни къурау,

Тырныаузда вольфрам-молибден магъаданны къазып эмда жарашдырып башлау, жангы гидрометаллургия предприятие ишлеу, «Севкавентген-Д» предприятияда компьютер диагностиканы техникасын бийик технологияла бла чыгырып башлау жаны бла инвест-проектле эмда башхала да жашауда бардырыладыла.

Элдеде жашагъанланы, ол

санда жаш юйюрлени бла жаш специалистени, жашау болумларын игилендириу, юч эмда андан да кёп сабийлери болгъан юйюрлеге жерле бёлюу жаны бла мадарла да этиледиле. Транспорт система да айнытылады, жамауат автотранспортну паркын жангыртыу тохтаусуз барады. Адамларыбызны дарманла бла жалчытыугъа, хакъсыз медицина болушлукъну кенгертиуге, ишсизлени азайтыугъа энчи эс бурулады.

Докладдан сора КъМР-ни промышленность эмда сатыу-алуу министри **Залим-Гери Губашиев**, КъМР-ни саулукъ сакълау министри **Светлана Расторгуева**, КъМР-ни урунуу, иш бла жалчытыу эмда социал къоруулау министри **Тюбейланы Альберт**, «Опора России» жамауат организацияны регион бёлюмюню таматасы **Альберт Кильчук**, иш беричюлени «КъМР-ни Промышленниклерини бла предпринимательлерини союзуу» регион бёлюмюню башчысы **Валерий Хажуев** селешгенди. Жыйылыуда айтылгъан оюмланы бла эсгертиулени эсге алыу бла этилген оюнуу уллу проекти къабыл керюлгенди.

КъМР-ни Башчысыны бла Правительствосуну пресс-службасы.

Паркланы тап халгъа келтириуну къолгъа алыргъа
3 бет

Бушуу кюн эсгертиуден башха жумушла артыкъдыла
4 бет

Насыпны къачыргъан айырылыуу
5 бет

Хорламны ычхындырмаз ючюн фахмуларын, кюч-къарыуларын да аямагъандыла
6 бет

Къыш кече
7 бет

